

《若是到安平》

若是到安平
著愛去覓老街看劍獅埕
揣古厝 看洋行 躉『樹屋』
食豆花恰蚵仔煎買鹹酸甜
送予我台中的外公外媽

若是到安平
著愛去海邊
看日頭落落佇海面
紅紅圓圓
慢慢仔予大海吞入腹肚內
看海鳥飛佇海面
咧揣伊恰意的暗頓

若是到安平
著愛去運河邊坐竹排仔
覓過古堡看著砲台燈塔
靜靜想三四百冬前海戰的故事
遠遠看港口的海湧一波一波
行船仔逐風湧
載一籠一籠海裡的寶貝入港
有魚有蝦
嘛有罈仔恰海螺
討海人面笑笑心滿足
我看著嘛歡喜甲笑佇心內

若是到安平，著愛來阮兜坐坐咧
咱做伙去揣老人開講
聽陳達儒恰許石的「安平追想曲」
金小姐敢是思念荷蘭的船醫？
我看漁光島
向望漁船攏豐收平安入港
向望「西拉雅」的語言毋通消失佇無情的海湧